



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Archicancellariis Sacri Romani Imperii Ac Cancellariis Imperialis Avlae

Mallinckrodt, Bernhard von
Monasteri[i] Westphaliae, 1640

Ferdinandvs II Imp.

urn:nbn:de:hbz:466:1-11835

(incidit ille hoc anno in Dominicâ Inuocauit) lucem primâ aspexit. Hic vir in iure doctissimus, & scriptis editis clarus, ad Cæsaream sibi aulam aditum patefecit; & ex Imperialis Camerae Spirensis Assessoris ad Palatinam vocatus militiam, ex Consiliario tandem Aulico ad Vice-Cancellariatum conscendit. Extant *tom. 2 Braunsch. Historisch. Händell / pag. 747*, Cæsareæ ab hoc subscriptæ literæ, anno 1595. Edidit præter Auctorum iuris Catalogum, Symphoniam vtriusque Iuris Chronologicam, insigne & necessarium Iuris studiosis opus, Enchiridion Locorum Communium, Observationum Iuridicarum crepundia, libros duos Schematismorum de Processu Iudicarij ordine, &c.

Rudolphus Coraducius Legum Doctor Italus, è Fori Iulij, ni *Rudolphus fallor, eâ parte, quæ Austriacis paret, progenitus, subscripsit vnâ cum Andrea Hannevaldo anno 1604, Decretum Cassatorium in causa Braunsvicensi. tom. 2 Braunsch. Historischer Händell / pag. 495.* *Coraducius.*

Leopoldus à Stralendorff, Eques Megapolitanus, cum vxorem haberet Baltharis à Dernbach Fuldenfis Abbatis, in exilio agentis, germanam, causam ~~seforij~~ ^{seforij} sui in aula Rudolphi Cæsaris tam dextrè & peritè egit, vt *Leopoldus à Stralendorff.* non tantum restitutionem illius obtinuerit, sed etiam plurimorum sibi fauore conciliato, ac in primis Cæsari ipsimet probatus, in Aulici Consilij senatum assumptus, & consequenter proximâ Vice-Cancellariatus vacantiam ad illud togatæ militiæ fastigium promotus fuerit. Filium reliquit Petrum Henricum, paternæ virtutis & dignitatis, vt suo loco indicabitur, heredem.

MATTHIAS Imperator,

Ioan. Ludouicus ab Vlm, è nobilitate Imperiali Rhenanâ, Dominus in Morbach, Wangen, Mittelbibrach & superiori Salmeting, vniuersum ferè Matthiæ Imperium occupat; nec hactenus alios eiusdem officij confortes erui. Summæ rerum sub hoc Cæsare curam & directionem Cardinalis *Ioan. Ludouicus ab Vlm.* Clefelius Viennensis ciuis & Episcopus respexit, magnâ apud plerosque prudentiæ laude; quâ tamen, vt sunt omnia humana fluxa & instabilia, præcauere nequiuit, quin & ipse tandem Fortunæ ludus & humanæ infelicitatis nobile exemplum fieret.

FERDINANDVS II Imp.

Hic ante Imperium Procancellarium habuit Leonardum Gezium, *Leonardus Gezjus.* qui

Ioan. Ludovicus ab Vlm.

Petrus Henricus à Stralendorff.

qui subscripsit cum alijs Pactum de Successione Hungariæ & Bohemiæ anno 1617. Imperatori autem facto inseruijt idem ille ab Vlm, qui sub prædecessore; isque virtutis & meritorum ergò in ordinè liberorum Baronum allectus, cum difficilibus & inquietis temporibus sub hoc etiam aliquot annis negotiorum molem sustinuisset, tandem beatò fine ad æternam quietem transfuit, locumque fecit Petro Henrico à Stralendorff, Leopoldi filio integerrimo, & Iuris Consultissimo Viro, Baroni in Goldebe, Prensbergh & Darnheim, Domino in Culmen, Gleischa & Ottovitz. qui licet pedum vsu ob neruorum contractionem iam inde à tempore Mulhusici Conuentûs, cui Cæsaris nomine interfuit, per annos multos destitutus fuerit; magnâ laude tamen Vice-Cancellariatus officium obiuit, gratiam relinquens apud omnes prudentiæ & integritatis suæ memoriam. Ratisbonensibus Electoralibus diæti vtrâque vice, an. 1630 & 1636, interfuit; sequenti autem anno, ipsâ Sexagesimâ Dominicâ, 13 Febr. Ferdinandum Dominum suum, in caelestem patriam euocatum, breui subsecutus est, ne morientem desereret, cui viuo fidus & assiduus itinerum comes, ac gloriosi laboris socius longo tempore constans & indefessus adhæserat. Recordor tempore Electoralis diætæ Ratisbonensis anno 1630, aliquot Cæsareæ aulæ Procerum conuersationi interfuisse, datumque esse à virtutum & eruditionis eius scientissimis Stralendorffio hanc laudem, si vllus esset, ipsum ante omnes aptum & idoneum esse, qui reformatione Iuris hodierni vsualis, vastitate & incertitudine passim laborantis, toties ac tantopere à plerisque iustitiæ & salutis Germanici Imperij publicæ amantibus desideratam & expetitam, fructuosè aggredereetur, & feliciter perficeret.

FERDINANDVS III Imp.

Petrus Henricus Stralendorffius. Ferdinandus Comes Curtius.

Primos hoc tempore regnantis Augustissimi Imperatoris menses, ille idem Stralendorffius, vt dixi, sibi vendicat; quem è mortalis Principis aulâ ad Cælitum curiam anno 1637 abeuntem, Ferdinandus Curtius, Iacobi, ni fallor, è fratre nepos, agnatus certè, Baronis titulo à Ferdinando patre, Comitis deinde, ab hoc filio eius, nec minùs diuinarum virtutum herede, quàm bonorum successore Ferdinando, Cæsaribus Augustis, auctus, excepit. Hic cum priùs in Aulicorum Imperij Consiliariorum ordine consistens, diuersis Legationibus dextrè & fideliter obitis, alijsque impigræ officiositatis documentis industriam fidemque suam superioribus approbâset, statim sub initium suscepti muneris arduo negotio pacificationis Suecicæ adhibitus est;